



Uunga:

Jens Immanuelson (Siumut),
Inatsisartunut ilaasortaq

**Qalerallit avammut nioqqutigineqartartut akitsuuserneqartalernissaat pillugu § 37
malillugu apeqqummut akissut**

10. juli 2014
Sagsnr. 2014-098943
Dok. Nr. 1633003

Asasara Jens Immanuelson

Postboks 1037
3900 Nuuk

Qalerallit avammut nioqqutigineqartartut akitsuuserneqartalernissaat pillugu apeqqum-
mut qujanaq.

Tlf. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Apeqquut:

*"Sinerissap qanittuani qalerallit suliffissuarni suliarineqaratik annissorneqartut
akitsuusersorneqarnissaat 2013-mi ukiakkutataatsimiinermi akuerineqartoq qaqungu
atuutinneqalissasoq naalakkersuisut pilersaarutigaa?"*

Akissut:

Aningaasaqarnermut Nunamullu Namminermt Naalakkersuisoqarfik qalerallit avammut
nioqqutigineqartartut akitsuuserneqartalernissaat pillugit inatsisissatut siunnersuumik
suliaqarsimavoq, taasumalu Inatsisartut 2014-imi ukiakkut ataatsimiinnerini
saqqummiunneqarnissaa pilersaarutigineqarpoq. Siunnersuut (ilanngullugu
nassiunneqartoq) tusarniutigineqarluni 13. juni 2014 nassiussorneqarpoq
akissuteqarnissamut 18. juli 2014 killiunneqarsimalluni, Tusarniaanerit pillugit
qarasaassiakkut iserfissartaaq takujuk:

<http://naalakkersuisut.gl/kl-gl/tusarniaanerit>

Neriuppunga apeqqutit naammaginantumik akineqarsimassasoq.

Inussiarnersumik inuulluaqqusillunga


Vittus Qujaukitsoq
Naalakkersuisoq

Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allangortinneqarnera pillugu Inatsisartut inatsisaat nr. XX, XX. XXX 2014-imeersoq
(Qaleralinnik suliarineqanngitsunik annissuinermi akitsuut)

§ 1

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. XX, 8. juni 2014-imeersukkut allangortinneqartumi makku allanguutigitinneqarput:

1. Inatsisip taaguutaa ima oqaasertaqassaaq:

”Qalerallit avaleraasartuullu akitsuutaat pillugit Inatsisartut inatsisaat.”

2. § 1-imi immikkoortutut nutaatut ilanngunneqassaaq:

”Imm. 2. Suliffeqarfiit aamma inuit qaleralinnik Kalaallit Nunaanniit annissuisut, qalerallit suliarineqanngitsut imaluunniit suliarineqarsimallutik sulii niaqullit, paperullit avalerallillu annissorneranni akitsuut inatsimmi matumani aalajangersakkat naapertorlugit landskarsimut akilissavaat.”

Maanna *imm. 2* matuma kingorna tassaalerpoq *imm. 3*.

3. § 2 ima oqaasertaqassaaq:

”§ 2. Akitsuummik § 1, *imm. 1* naapertorlugu akiliisussaatitaaneq atuutilissaaq piffissami pisat pisarineqarfianni.

Imm. 2. Akitsuummik § 1, *imm. 2* naapertorlugu akiliisussaatitaaneq atuutilissaaq piffissami pisat anninneqarfianni.”

§ 2

Inatsit 1. januar 2015-imi atuutilissaaq.

Namminersorlutik Oqartussat, ulloq XX. XXX 2014

Aleqa Hammond

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Neriutigineqarpoq qaleralinnik suliarineqanngitsunik (kiisalu immannguaannaq suliarineqarsimasunik) annissuineranut akitsuut nunatsinni suliffissat amerlanerulernerannik kinguneqarumaartoq, tassa nunanut allanut nioqutissiortut qalerallit Kalaallit Nunaanni suliarinissaat akitsuut pissutigalugu orniginerulissammassuk.

Akitsuuteqaraluartorli nunanut allanut nioqutissiortut aalisakkanik suliarineqanngitsunik annissuinissaq ingerlatiinnarusunnerusinnaavaat. Taamaassappat akitsuut tamatumunnga taarsiullugu landskarsimut isertitsissutaassaaq.

2. Siunnersuummit pingaarnersiineq

Nalinginnaasumik

Inatsisissatut siunnersuutip kingunerissavaa suliffeqarfiit aamma inuit qaleralinnik Kalaallit Nunaanniit annissuisut, qalerallit suliarineqanngitsut imaluunniit suliarineqarsimasut suli niaqullit, paperullit avalerallillu annissorneranni landskarsimut akitsuummik akileeqquneqartalernissaat.

Kalaallit Nunaanni "Japan Cut"-inik (aamma taaneqartartut "J-cut") taasagaattut suliarineqarpata, aalisakkallu kingorna Kalaallit Nunaanniit annissorneqarpata, taava annissuinermit akitsuut siunnersuutigineqartoq akilerneqassanngilaq, aalisakkammi niaqui, paperui avaleraallu "Japan Cut"-iliarineqarneranni peerneqartarmata.

Akerlianilli annissuinermit akitsuut siunnersuutigineqartoq akilerneqassaaq aalisakkat suliarineqarsimallutik, soorlu avaleraat kisiisa peerneqarsimallutik kingorna Kalaallit Nunaanniit annissorneqarpata.

Akitsuummik atuutsitsinissaq

Atuutsitsinissamik aalajangersagaq inatsimmi atuuttumi qalerallit akitsuutaannut aalajangersagaasoq aammattaaq annissuinermit akitsuummut atuutissaaq.

Akitsuummik akiliisussaatitaaneq nunanut allanut nioqutissiortup aalisakkat inummut pingajuusumut tunippagit atuutilissaaq.

Akitsuummik akiliisussaataitaavoq suliffeqarfik imaluunniit inuk qaleralinnik Kalaallit Nu-naanniit annissuisoq. Akitsuut kvartalikkaartumik naatsorsorneqarlunilu akilerneqartassaaq.

Akitsuut kvartalip qaangiunnerata kingorna kingusinnerpaamik qaammatip ulluinnaasa kingullersaanni akileraaruseriffimmut nalunaarutigineqarlunilu akilerneqartassaaq. Suliffeqarfik akitsuummik piffissaagal-lartillugu akiliinngippat akileraaruseriffik sivikinnerusumik piffisaliilluni akileeqqusisinnaa-voq, soorlutaaq aamma akitsuutit akilernissaannut qularnaveeq-qusiisoqarnissaa piumasarine-qarsinnaasoq.

Aammattaaq inatsisissatut siunnersuut Akileraaruserinermik ingerlatsineq pillugu Inatsisartut inatsisaannut attuumassuteqartinneqassaaq. Akileraaruserinermik ingerlatsineq pillugu Inatsisartut inatsisaat maleruagassanik, Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaannut (matumani allanngortinniarneqartoq ima Qalerallit avaleraasartuullu akitsuutaat pillugit Inatsisartut inatsisaat) atatillugu nakkuttilliineq, kingusinaarluni akiliinermi ernialersuineq, isumakkeerineq ilaallu ilanngullugit pillugit akileraaruseriffiup suliasamik naammagittaalliummillu suliaqarnerani pingaaruteqartunik ilaatigut imaqarpoq. Tassa imaappoq Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata atuutsinneqarnera, akileraarutit akitsuutillu pillugit inatsisatut allatuulli Akileraaruserinermik ingerlatsineq pillugu Inatsisartut inatsisaanni maleruagassat malillugit ingerlanneqassaaq, aalajangersakkat immikkut ittut ingerlatsinermut pingaarutillit Qalerallit avaleraasartuullu avataasiorluni aalisarnermi pisarineqartut akitsuutaat pillugu Inatsisartut inatsisaanni aalajangersarneqarsimangippata.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	§ 1
	Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. XX, 8. juni 2014-imeersukkut allanngortinneqartumi makku allannguutigitinneqarput:
	1. Inatsisip taaguutaa ima oqaasertaqassaaq:

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaat	”Qalerallit avaleraasartuullu akitsuutaat pillugit Inatsisartut inatsisaat.”
	<p>2. § 1-imi immikkoortutut nutaatut ilanngunneqassaaq: <i>”Imm. 2. Suliffeqarfiit aamma inuit qaleralinnik Kalaallit Nunaanniit annissuisut, qalerallit suliarineqanngitsut imaluunniit suliarineqarsimallutik sulii niaqullit, paperullit avalerallillu annissorneranni akitsuut inatsimmi matumani aalajangersakkat naapertorlugit landskarsimut akilissavaat.”</i></p> <p>Maanna <i>imm. 2</i> matuma kingorna tassaalerpoq <i>imm. 3</i>.</p>
<p>§ 2 Akitsuummik akiliisussaatitaaneq atuutilissaaq piffissami pisarineqarfianni.</p>	<p>3. § 2 ima oqaasertaqassaaq: ”§ 2. Akitsuummik § 1, imm. 1 naapertorlugu akiliisussaatitaaneq atuutilissaaq piffissami pisat pisarineqarfianni. <i>Imm. 2. Akitsuummik § 1, imm. 2 naapertorlugu akiliisussaatitaaneq atuutilissaaq piffissami pisat anninneqarfianni.”</i></p>
	<p style="text-align: center;">§ 2</p> <p>Inatsit 1. januar 2015-imi atuutilissaaq.</p>

3. Pisortanut aningaasatigut allaffissornikkullu sunniutissai

Qaleralinnik suliarineqanngitsunik Kalaallit Nunaanniit annissuineq ingerlatiinnaarneqarpat landskarsi akitsuusersuinikkut isertitaqassaaq.

Suliffeqarfiit qaleralinnik Kalaallit Nunaanni suliarinnittarnertik akitsuusersuineq pissutigalugu annerulersissappassuk, tamanna landskarsip akileraarutinik A-nik isertitaqaatigissavaa.

Suliassap maannakkut periarfissarititaasut iluanni allaffissornikkut isumagisinnaanissaa Aki-leraartarnermut Aqutsisoqarfiup naatsorsuutigaa.

4. Inuussutissarsiutinik ingerlataqartunut aningaasatigut allaffissornikkullu sunniutissai

Qaleralinnik nunanut allanut nioqqutissiortartut inatsisissatut siunnersuummi § 1, nr. 2-mi pineqartut akitsuummik akiliisalernissaat aningaasatigut sunniutigissavaa. Aningaasatigut sunniutissaatigut siunertarineqarpoq nunanut allanut nioqqutissiortut qaleralinnik amerlanerusunik Kalaallit Nunaanni suliarinnittalernissamik orniginninnerulernissaat.

Akitsuut nunanut allanut nioqqutissiortut akitsuummik nalunaarutiginnittussaataitanerannik akiliisussaataitanerannillu kinguneqassaaq. Allaffissornikkulli sunniuteqangaassanganneqanngilaq, suliffeqarfimmi nunanut allanut nioqqutissiortut nioqqutissat annissorneqartut pilugit Akileraartarnermut Aqutsisoqarfimmut nalunaaruteqartussaataitaareerput.

5. Avatangiisinut, pinngortitamut inuillu peqqissusiannut sunniutissai

Siunnersuut avatangiisinut pinngortitamulluunniit sunniuteqangaassanganneqanngilaq. Siunnersuutaaq inuit peqqissusiannut sunniuteqangaassanganneqanngilaq.

6. Innuttaasunut sunniutissai

Siunnersuut innuttaasunut allaffissornikkut sunniuteqangaassanganneqanngilaq.

Innuttaasunut ajortumik sunniuteqangaassanganneqanngilaq. Akitsuutilli ilaata qanoq angitigisup innuttaasunit akilerneqartussanngornissaata nalilernissaanut, soorlu assersuutigalugu aalisartunut akiliutigineqartartut ikinnerulernerannik, paasissutissat pigineqartut naammanngillat.

Annisuinermi akitsuutip nunatsinni suliffissaqartitsinerulaalernissaa naatsorsuutigineqarpoq, tassa akitsuutip qalerallit Kalaallit Nunaanni suliarineqarnissaannik aningaasatigut orniginarnerulersitsinerata kingunerisaanik.

7. Sunniutissai pingaarutillit allat

Inatsisissatut siunnersuut allanik pingaarutilinnik sunniuteqangaassanganneqanngilaq.

8. Oqartussaasunik kattuffinnillu il.il. tusarniaaneq

Siunnersuut piffissami XX.XXX 2014-imiit XX.XXX 2014-imut ukununga tusarniaassutigineqarpoq:

XXX

Aamma inatsisissatut siunnersuut oqaaseqaatitaalu Tusarniaavimmi tamanut saqqummiunneqarput uani www.naalakkersuisut.gl.

Tusarniaanermi akissuteqarnissamut piffissaliussaq qaangiummat tusarniaanermi akissutisiffigineqarput XXX.

Tusarniaaneq makkuninnga oqaaseqaateqarfiuvoq:

XXX

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Inatsisip qalerallit annissorneqarneranni akitsuummik ilaneqarnerata kingunerisaanik inatsisip taaguutaa allanngortillugu aalajangersakkami iluarsineqarpoq.

Nr. 2-mut (§ 1, imm. 2)

Aalajangersagaq inatsisip atuuffiata suliffeqarfiit inuillu Kalaallit Nunaanniit qaleralinnik annissuisut, tassa imaappoq nunanut allanut nioqqussiortut inatsimmi pineqartunut ilaalerneranik kinguneqarpoq. Aammattaaq maannamutuut pineqartunut ilaapput suliffeqarfiit inuillu avataasiorluni qaleralinniarnissamut avaleraasartoorarnissamullu pisassinneqarsimasut.

Qalerallit annissorneqartut akitsuutaat qalerallit suliarineqanngitsut imaluunniit suliarineqarsimallutik suli niaqullit, paperullit avalerallillu Kalaallit Nunaanniit annissorneqartut amerlasusiat tunngavigalugu naatsorsorneqassaaq.

Kalaallit Nunaanni ”Japan Cut”-inik (aamma taaneqartartut ”J-cut”) taasagaattut suliarineqarpata, aalisakkallu kingusinnerusukkut Kalaallit Nunaanniit annissorneqarpata annissuinerami akitsuut siunnersuutigineqartoq akilerneqassanngilaq, aalisakkammi niaqui, paperui avaleraallu ”Japan Cut”-iliarineqarneranni peerneqartarmata.

Akerlianilli annissuinerami akitsuut siunnersuutigineqartoq akilerneqassaaq aalisakkat suliarineqarsimallutik, soorlu avaleraat kisiisa peerneqarsimallutik kingorna Kalaallit Nunaanniit annissorneqarpata.

Nr. 3-mut (§ 2)

Piffissaq akitsuummik akiliisussaataanerup atuutilerfia aalajangersakkami aalajangersarneqarpoq.

Qaleralinnik annissuinerami akitsuummut nutaamut tunngatillugu siunnersuutigineqarpoq akitsuummik akiliisussaataanerup piffissami qalerallit Kalaallit Nunaanniit anninneqarfianni atuutilernissaa.

Avataasiorluni qaleralinniarnermi avaleraasartoorarnermilu akitsuummut atuuttumut tunngatillugu maleruagassamik atuuttumik allannguinnissamik siunnersuuteqartoqanngilaq, akitsuummimmi akiliisussaataaneq piffissami pisarineqarfianni atuutilertussaanaera atuutiinnsaaq.

§ 2-mut

Siunnersuutaavoq inatsit 1. januar 2015-imi atuutilissasoq.